


FESTIVAL DE ARTE

LEANDRO BAKER



CULTURBAN

MURALISMO, INTERVENCIÓNES
ARTÍSTICAS, COMBATE MURAL

EN LUGO A PARTIRES DO 31 OUTUBRO DE 2020

ORGANIZAN



FESTIVAL DE ARTE CULTURBÁN

MURALISMO, INTERVENCIÓNES
ARTÍSTICAS, COMBATE MURAL

No marco do Festival de Arte Urbán en Muralismo Culturbán, a Área de Cultura, Turismo e Promoción da Lingua do Concello de Lugo, convoca o Combate de Pintura Mural 2020

Culturbán é unha mostra de arte urbana que propón explorar, descubrir ou redescubrir a contorna urbana a partir de actividades artísticas, accións e experiencias urbanas diferentes e que transformen a nosa cidade, nun Lugo vanguardista, participativo, colorista, amable e culturalmente aberto e activo.

Trátase, por tanto, dunha fórmula de interacción global coa cidade e cos seus barrios, tanto a nivel urbanístico como social. Conceptualmente, trátase dunha experiencia artística e de creación única, xa que todo o proceso creativo e a execución do mesmo realizañse no armazón urbanístico de Lugo, sendo as súas rúas o mellor taller de traballo, o mellor lenzo e a mellor galería.

O combate urbano consiste no desenvolvemento dun certame artístico ao aire libre. Proponse a participación en directo e en espazo público das persoas seleccionadas por convocatoria aberta, as cales participarán todas cos mesmos medios, o mesmo tempo e o mesmo tema sobre soporte mural urbano.

BASES DO COMBATE DE PINTURA MURAL 2020

- Ao certame poderá presentarse calquera persoa maior de idade.
- Seleccionaranse entre todas as propostas recibidas 10 participantes conforme á súa traxectoria artística, valorando con especial atención os seus traballos murais.
- Os soportes do combate, serán 10 murais coas seguintes dimensións 200 x 200 cm.
- A distribución dos espazos de traballo entre cada un dos artistas seleccionados realizarase por sorteo.
- Comunicarase a temática do combate no momento de inicio do certame.
- Cada participante recibirá un lote de materiais cos que traballar e afrontar o certame, non podendo utilizar outros utensilios alleos aos propostos, e adaptándose en todo momento as normas marcadas pola organización do certame.
- A data límite para realizar a inscrición será ás 23:59 do día 28 de outubro. Será preciso enviar a seguinte información nun pdf, de 10 follas máximo, e que non supere os 10 MB:

Datos do participante. Nome e apelidos, teléfono, correo electrónico, fotocopia DNI, currículo, dossier de proxectos e traballos más relevantes.

- Toda esta documentación a modo de inscripción, enviaranse ao correo anxo.lamelo@lugo.gal

- Os artistas seleccionados serán comunicados o 29 de outubro de 2020, e indicaráselles a localización do certamen.

- A data da Batalla Mural será o sábado **31 de outubro de 2020 de 9 h. a 18 h.** ininterrompidamente, agás a pausa do xantar, o cal correrá a conta da organización.

- Establécense os seguintes premios impostos incluídos:

-Primeiro premio 1.000 €

-Segundo premio 700 €

-Terceiro premio 300 €

- O xurado estará composto por unha das persoas traballadoras no Área de Cultura, Turismo e Promoción da Lingua do Concello de Lugo e membros recoñecidos dá comunidade dás artes e a cultura.

-A Organización do concurso resérvase o dereito de excluír todas aquelas obras cuxo contido sexa obsceno, violento, sexista, racista, atente contra a diversidade sexual ou vulnere algún dereito fundamental dás persoas.

- Os/ as participantes no concurso ceden ao Concello de Lugo os dereitos de explotación dás obras realizadas, incluíndo os dereitos de uso, difusión, distribución, exhibición, comunicación pública, divulgación e reproducción por Internet ou calquera outro medio audiovisual, mostra ou exhibición, dás obras.

- A organización, así mesmo, resérvase o dereito de utilizar as obras seleccionadas e recibidas con fins promocionais e/ou de difusión, os cáles se exercitarán sempre co recoñecemento dá súa condición de autor, excepto manifestación expresa en contra.

- Calquera eventualidade imprevista xurdida en relación co desenvolvemento do Combate Mural e non contemplada de forma expresa nestas bases será resolta de acordo co criterio dá organización.

- Así mesmo, a organización non se fai responsable da mala ou nula recepción dos materiais.

- A participación neste Concurso supón a aceptación plena dás súas bases .

Organizan

